

01 تفسير سورة العنكبوت من قول الله تعالى (اتل ما أوحى إليك من الكتاب) الآيات 54-64

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد سلام الله عليكم ورحمته وبركاته ثم اما بعد انتهينا الى المثل الذي ضربه رب العزة سبحانه لكل من اتخذ من دونه اولياء - [00:00:00](#)

انهم شبه العنكبوت تماما والعنكبوت اتخذته بيتا وهم ما اتخذوا اولياء بيت العنكبوت ضعيف. والاولياء بتوعهم اضعف من بيت العنكبوت اولياؤهم ما فيهمش اي فايذة بيت العنكبوت فيه فايذة للعنكبوت - [00:00:23](#)

بيت هو ضعيف اه بس بيت بنت ولما اتخذته واو صنعته صنعته فطرة صنعته فطرة. يعني ايه فطرة؟ ربنا سبحانه وتعالى اللي قالها ما تعمل كده البيت قوي البيت ضعيف هو كده - [00:00:52](#)

ما عندهاش غير كده وما تعرفش تعمل احسن من كده ولم تعص الله في صناعة هذا البيت اما الذين اتخذوا من دونه اولياء من الناس والجن لم يؤمروا بذلك وهم عصاة - [00:01:13](#)

العنكبوت لن تحاسب على هذا البيت الضعيف اللي اتخذته اصلا من تحاسب وهم هيحاسبوا لانهم اتخذوا من دونه اولياء بيت العنكبوت فيه من فعل العنكبوت على الاقل مصيدة مصيدة تصطاد لها الحشرات. العنكبوت - [00:01:32](#)

يعني لا تسعى في الارض لتأكل وتشرب زي باقي الحيوانات والطيور والحشرات والزواحف هي الوحيدة اللي رزقها يبجي لها لحدھا صھ ولا مش صھ؟ رغم ان البيت ضعيف الرجال وهي الوحيدة كله بيسعى - [00:01:57](#)

جميع الكائنات بتسعى. ايه اللي هي هي قاعدة مكانها قل رزقي جلدك عاملة الحبال بتصطاد الحاجة اللي يبجي لها بتاكلها وخلص تمشيش برة ما تطلعش برة اما الذين اتخذوا من دون الله اولياء. الاولياء اللي اتخذوه ما فيهمش منفعة - [00:02:17](#)

وسوف يحاسبون. اما العنكبوت لن تحاسب فطرة وربنا في هتعمل كده اما دول مش مفطورين على كده. الزين اتخذوا من دون الله هؤلاء مفطورين على توحيد الله وقبل ان يوجدوا في الوجود - [00:02:39](#)

الله عز وجل اخذ عليهم العهد والميساق الست بربكم؟ قالوا بلى يعني ايه؟ يعني ايه؟ ما فيش اولياء. لانه ما فيش غيره سبحانه وتعالى. وببكلهم وبيردوا لا لسه بقى فيه شياطين - [00:02:58](#)

ولا في اي شغل ادم بس واتمسح ظهره وطلعت الزرية بتاعته بما يعني يعلم الله سبحانه وتعالى وبالكفية التي شاءها طلعت الزرية كل الزورية لكل اللي هيخليها يطلعوا من ولاد ادم واحفاد وانجل وانت نازل ليوم الدين - [00:03:13](#)

ويأجوج ومأجوج وكله. كل اللي والدجال والدقة كله كله كل اللي هيطلع من ادم من زرية ادم الست بربكم قالوا بلى تخيل بقى الدجال قال ايه ها البلا وهيرجع يقول انا ايه ها - [00:03:37](#)

اه وغيره وغيره وغيره. المهم فلنتخزوا من دون الله اولياء اتخذوهم امتى؟ لما نزلوا بقى الارض والدنيا والحكاية والرواية لما كله اقر انه ما لوش ولي سوى الله. الست بربكم؟ قالوا بلى - [00:04:00](#)

يعني ايه؟ يعني مش شايفين حد غيره ما يعرفوش حد غير الله سبحانه وتعالى فللاسف اهي دي الفطرة بقى دي للاسف اهو شف بقى الناس اتحولت ازاي واتغيرت ازاي واتخذوا من دون الله اولى. اولى ينصروهم اولياء. يجيبوا لهم رزق اولياء اي اولياء بقى. اي اولياء - [00:04:18](#)

فهذا المسل طبعا اتكلمنا فيه بقدر ما ربنا سبحانه وتعالى فتح ووسع بعدها قال رب العزة خلق الله السماوات والارض بالحق ان في ذلك لاية للمؤمنين كنت كلمتكم بعد نجاه سيدنا ابراهيم ان في ذلك لايه - [00:04:46](#)

لايات للمؤمنين. في نفس السورة خلق الله السماوات والارض بالحق ان في ذلك لا اية لاية للمؤمنين جمع الايات من بعد سيدنا ابراهيم اهل التفسير يقولون كلاما وربنا سبحانه وتعالى وفقنا نزود عليه شوية. قالوا ايه؟ قالوا اني الحديس عن النبي - [00:05:08](#) النبيون كثر كثير فجت الاية فجت هنا جمع ان في ذلك لايه لايات. اما الحديس عن خلق السماوات والارض حديس عن توحيد الله.

فجت ايه اية. برضو قلنا ان خلق السماوات والارض شيء الناس اتعودت عليه وشايفاه ليل ونهار - [00:05:36](#) اصبح معتاد اية انما الناس مش متعودة ان واحد يدخل النار ويطلع سليم متعودة كده خالص ويكلمهم ايه ده معقول ده كان في النار المدة ديت والنار اللي احنا عاملينها بايدينا مش مسلا حد عاملها غيرنا وضحك علينا وما طلعتش نار لا ده احنا اللي ايه - [00:06:00](#) اللي اشعلناها بايدينا واحنا اللي حاطينه فيها ويطلع كده فدي ايه بقى ايه ايات يلزمها الايه؟ الجمع. يبقى سواء كان الحديس عن النبيين او الحديس عن الشيء الملفت للنزر جاء الجمع ان في ذلك. هنا بقى خلق الله السماوات والارض بالحق. ان في ذلك لايه؟ لاية - [00:06:25](#)

مؤمنين بعد ذلك قوله تعالى اتل ما اوحى اليك من الكتاب اتل ما اوحى اليك من الكتاب. واقم الصلاة ان الصلاة تنهى عن الفحشاء والمنكر. ولذكر الله اكبر. الاية دي فيها - [00:06:50](#) كم امر فيها كم امر؟ ها امران لا امران اتلو واقم اتلو واقم امران اما الباقي كلام عن الصلاة والقرآن اتلو واقم اتلو واقم هنا اطلب ما اوحى اليك من الكتاب. على مين - [00:07:07](#) ها؟ على مين؟ يطلع لمين الخطاب للنبي او الامر للنبي على كل الناس احسنت على كل الناس على الكافر والمؤمن كله اتلو على الكل سمع الكل. كله يسمع منك القرآن - [00:07:38](#)

كله يسمع منك القرآن اللي عدوك وحبيبك كله يسمع وبعدين بعد كده بقى يعمل اللي يعمل الحجة قامت. الحجة قامت بالايه؟ بالتلاوة. لم يذكر النص من المتلو عليهم لتشمل مين ها - [00:07:56](#) كل الناس ويؤكد هذا ما في صورة الايه النمل قال فيها رب العزة وامرت والرسول عليه الصلاة والسلام يعني وامرت ان انما امرت ان اعبد رب هذه البلدة الذي ايه؟ حرمه وله كل شيء. وامرت ان اكون من الايه؟ من المسلمين. وان اتلو القرآن - [00:08:18](#) كده مطلقة. فمن اهتدى فانما ايه؟ يهتدي نفسه. ومن ضل فقل انما انا من المنذرين. يبقى كده اللاتين سمعوه اللي اهتدى اهتدى واللي ما رضاش يهتدي ايه؟ فقل انما انا من المنذرين. يبقى التلاوة على مين - [00:08:42](#) على كل الناس واقم الصلاة اقم الصلاة مش قد الصلاة ولا يعني القي بالصلاة يعني ايه؟ حاجة حمل وعبه زي ما احنا بنعمل دلوقتي كده. خلص نفسك من الصلاة. لا - [00:09:00](#)

اقم الصلاة ومعلوم ان الشيء اللي بيقام يعني احنا بنقيم وبنقيمه بها عشان يقوم. يعني انا باقيم البيت ده. بقيمه عشان يبقى ويبقى بيت ولا باقي ما عشان اهده بعد نص ساعة - [00:09:19](#) يقيموا عشان يقوم يقوم ويفضل موجود قائم. هي دي الصلاة احنا بنقيم الصلاة عشان تقوم الصلاة تقوم تقوم في النفوس تقوم في الواقع تقوم في الحياة. بنقيم الصلاة وعشان كده الاية قالت اهي الاية نبهتني اهي - [00:09:33](#) قالت انتم بتقيموها ليه؟ تقيموها عشان تقوم. تقوم بكم. تقوم معكم. تقوم فيكم ده المفروض الصلاة كده يعني. الصلاة تقوم لتقوم بنا يعني احنا نقيم الصلاة عشان الصلاة تقوم بنا. تنهض بنا - [00:09:54](#)

تنهض بترفع من شأننا تغير حياتنا. كل ده الاية قالتها واقم الصلاة ولزلك في لفظة عجيبة قوي في الاية واقم الصلاة ان الصلاة تنهى عن الفحشاء والمنكر هنا قال في علة للصلاة - [00:10:16](#) ما قالش علة للتلاوة ما هو مأمور بايه ضحكتي مش كده ولا ايه؟ اتلوا واقم لما تقم يحصل كذا ما قالش لما تتلو واضح ولا مش واضح اتلو واقم ماشي - [00:10:44](#)

ان الصلاة ان العلماء يقول لك ان دي زي ايه فالتعليل يعني ايه؟ فالصلاة تنهى عن الفحشاء والمنكر طب ما جبش التلاوة ليه كان يقول اقم اطلب ما اوحى اليك من من الكتاب واقم الصلاة فانهما - [00:11:12](#)

ينهيان عن الايه مش كده فانهما ينهيان عن الفحشاء والمنكر. هم اللاتين انما قال ان الصلاة هل معنى ذلك ان التلاوة امر لاه التلاوة مطلوبة بس ايه اللي هياثر اقامة الصلاة - [00:11:36](#)

ايه اللي هيغير الناس اقامة الصلاة اصل احنا ممكن لو صلاة الصلاة الصح لو اكتفينا بقرآن الصلاة تغير اما ما فيش صلاة الصح لو تلونا ليلا ونهارا مش هتتغير ولزلك تجد في الناس من يتلو محترف - [00:12:05](#)

محترف تلاوة لكن لا يقيموا الصلاة صح او ربما ما يقيمهاش خالص وارد هو محترف اريها بس فدا بقى حدس ولا حرج. فهنا لما قال رب العزة ان الصلاة كانها كده لان الصلاة - [00:12:32](#)

ان الصلاة او فالصلاة او لان الصلاة تنهى عن الايه؟ عن الفحشاء والمنكر لانها امر عظيم جدا الصلاة يا اخوانا وابتنى عن الفحشاء والمنكر بس طب ما انت لما تصنف جميع معاصي الناس - [00:12:56](#)

هتدخل تحت اللاتين دول هتدخل تحت اللاتين دول اي معصية الناس بيعصوها تدخل تحت مين؟ تحت اللاتين دول فمين مين اللي هينهاهم ويحشهم عن الفحشاء والمنكر الصلاة ولزلك لما شكوا للنبي صلى الله عليه وسلم من رجل يصلي من رجل يصلي. بس يبدو والله اعلم بيصلي الصلاة اللي هي مش يعني - [00:13:26](#)

مش مفروضة مش مفروض يعني بيألف صلاة لأ مش الصلاة اللي هي تحمل معاني الصلاة حديث عن ابي هريرة رواه احمد وغيره رضي الله عنهم ان فلانا يصلجاً جاء رجل الى رسول الله بيشتكي من واحد يعني ان فلانا يبدو ان هو كان سرق منه او المهم يعني عارفه وكده - [00:13:54](#)

ان فلانا يصلي بالليل فاذا اصبح سرق فاذا اصبح سرق يعني عاوز يقول للرسول نعمل فيه ايه يعني تؤمرنا بايه نعمله معه امرهم ولا نهاهم لان الشخص نفسه مش قدامه - [00:14:17](#)

ده بلاغ متقدم في قال صلى الله عليه وسلم انه سينهاه ما تقول يعني ايه؟ العملية مش هتطول قريب خالص هيبتل يسرق ليه؟ الصلاة هتأسر فيها تنهى عن الفحشاء يبقى اول حاجة تعملها الصلاة في المصلي تنهاه هو شخصيا. يبقى تنهى تنهى مين - [00:14:38](#)

اول اول واحد انه يصلي اول حاجة المصلي سينهاه ما تقول والضمير يعود على المصلي هذا ستنهاه صلاته عن هذا المنكر وعن الفحشاء. وصلاة المصلي تنهى غيره عن الفحشاء والمنكر - [00:15:05](#)

ما هو انتهى بقى هو انتهى. فلما انتهى ينهى ايه غيره. قالوا يا شعيب يا شعيب واضحة خالص اهي. اصلاتك تأمرك؟ ايوة الصلاة تأمرك. اصلاتك تأمرك ان نترك ما نعبد اباؤنا يعني تأمر - [00:15:24](#)

توحيد يعلمهم التوحيد. او ان نفعل في اموالنا ما نشاء لان اللي بي فعلوه في اموالهم هو الفحشاء والايه هو سرقة وعيشة حرام فحرام فحرام فهو صلاته بتنهى قومه عن الشرك - [00:15:47](#)

اه فما بالك بقى بصلاة الرجل المصلي في الضريح وامام الضريح وامام المسجد الكبير عملت فيه ايه بقى؟ وناهت مين ان شاء الله يبقى كده تعتبر مش ايه ها تعتبره مش صوم - [00:16:09](#)

ده هي ما نهتوش هو شخصيا ما نهتوش هو السقيل. ما زال هو كما هو ويدعو وياخذ من الصندوق نصيب الاسد طبعا وخليفة وخادم لسيد فلان. صلاة ايه بقى؟ اه - [00:16:29](#)

يبقى صلاة المصلي بتنهاه هو اولاً وتنهى ايه ها غيره وتنهى غيره. نقل ابن كسير اقوال جميلة قوي للعلماء في بنهي الصلاة عن الفحشاء والمنكر. قال ابو العالية ان الصلاة فيها ثلاث خصال. نأل الله رب العالمين ان يجعل صلاتنا كما جردت في الاية - [00:16:49](#)

ان الصلاة فيها ثلاث خصال فكل صلاة لا يكون فيها شيء من هذه الخلال فليست بصلاة. يعني ايه بطة يعني ميتة. ما نقدرش نقول بطة. وهو متوضي صح وموجه وشه للقبلة كله كله تمام. صحيحة بس ايه ها - [00:17:19](#)

ميتة ميتة ليست بصلاة. هو قام عمل حركات صحيحة اسقطت عنه الفريضة. بس فين النتيجة؟ ولا حاجة فيها تابول فيها ثلاث خلال

لازم يبقى لو مش موجودين فيها ما تبقاش صلاة - 00:17:41

اول حاجة الاخلاص والخشية وذكر الله جابهم منين؟ من نفس الايه ها من نفس الاية. الاخلاص طالما صلاتك باخلاص يبقى يامرك بالمعروف. الاخلاص يأمرك بالمعروف والخشية تنهاك عن المنكر. فعلا - 00:18:02

طول ما انت بتخاف من ربنا مش هتعمل له منكر. ليه؟ لان انت شايفه اعبدوا الله كأنك ترى شايفه فطالما شايفه بتخاف فمش هتعمل الايه؟ مش هتعمل منكراه وذكر الله - 00:18:25

الاخلاص والخشية والذكر وذكر الله. ذكر الله هيعمل ايه بقى؟ بياأمرك وبينهاك لانيك ما بتنساش الله عز وجل. ونقل عن قال ابن عون الانصاري اذا كنت في الصلاة اذا كنت في صلاة فانت في معروف صح - 00:18:41

اذا كنت في صلاة فانت ايه ها؟ في معروف بتصلي وقد حجزتك اللي هي مين عن الايه الفحشاء والايه؟ والمنكر والذي انت فيه من فتحة من قرآن من كذا هو ده ايه ها - 00:19:01

ذكر لله عز وجل اكبر اكبر ولا ذكر الله ايه؟ اكبر ولذكر الله اكبر دي محتاجة برضو ايه يعني اكرام شوية لان حاجة حلوة قوي والله يا اخوانا والعلماء اتكلموا فيها كلام طيب - 00:19:21

ولذكر الله اكبر. هنقول لكم كده برضه طئيفة من اقوال العلماء نقلها ابن كسير وغيره في ولذكر الله اكبر ولذكر الله اكبر لذكر الله لعباده اذا ذكروه اكبر من ذكرهم له - 00:19:40

هتذكروا الله هيزكركم وذكر مين فيكم الاكبر عاوزه كلام دي مش عاوزه كلام. ولذكر الله اكبر برضو قالوا فيها ايضا ذكر الله عند ما حرمه الله في شيه ربنا سبحانه وتعالى حرمه وانت ذكرت الله عند الشيه المحرم - 00:20:05

ربنا هيزكركم في الموقف مقابل الموقف ده وذكره اعزم واكبر من ايه من ذكركم من ذكركم في الموقف اللي انتم ايه وعن ابن عباس برضو ذكر الله التسبيح والتحميد والتكبير والتلهيل في الصلاة وخارج الصلاة - 00:20:32

طاعة القرآن قال كل ده ذكر الله اكبر منه ايه؟ ذكر الله الخص لك بقى اقوال العلماء حتى ابن ابن العربي اذكر لكم برضو كلام ابن العرب قال كلام طيب - 00:20:57

ذكر الله اكبر من ذكركم له او ذكر الله ذكر الله في حد ذاته اكبر من اي شيه وافضل من اي شيه يعني سواء الله ذكرك ام لم يذكرك ذكر الله ايه ها حاجة كبيرة اوي اوي - 00:21:12

اصل ممكن اكبر تبقى ايه بمقارنة مع حاجة تانية لأ هو ذكر الله اكبر بدون مقارنة انت فاهم قصدي؟ عارف المعنى يعني ذكر الله اكبر من حاجة حاجة اقبل حاجة فذكرك ذكر الله اكبر منه لك - 00:21:36

ذكر الله في حد ذاته حتى لو لم يذكرك الله هو هيزكرك بس ولو لم يذكرك فذكر الله عمل ايه ها كبير حاجة كبيرة قوي حاجة كبيرة قوي او ذكر الله في الصلاة ابن العربي بيقول كده ذكر الله في الصلاة اكبر من الذكر في غيره - 00:21:56

وارض تمشي ما فيش مانع ذكر الله في الصلاة لان اجتمع في الحالة دي ايه؟ زكران وفي سورة طه واقم الصلاة لذكرك اه تمشي يبقى ذكر الله اه في الصلاة افضل من خارج الصلاة. ذكر الله اكبر من الصلاة - 00:22:20

معقول يعني احنا ما نصليش لأ تصلي بس ذكر الله اكبر وهوضح لك برضو اكثر من كده يعني كل الكلام ده صحيح اللي نقل عن علماء اهل العلم لكن اقول لك بقى في برضو من من الدالة مش هنجيب حاجة من عندنا يعني - 00:22:44

ذكر الله بالمقال وبالحال ذكر الله بالمقال ذكر الله منك انت يعني ذكرك لله بحاجتين بالمقال او بالايه؟ ها؟ او بالحال وفي المقابل ذكر الله لك ايه ها اكبر بس انا هلخص لك كل الذكر اللي موجود في الكتاب والسنة بحاجتين - 00:23:04

يا تزكره بالمقال يا تزكره بالحال يا تزكروا به هه بهما بهما واوضح لك بالدالة بقى. ذكر الله بالمقال يشمل ايه؟ التسبيح والتكبير والحمد والتلهيل. عارف التلهيل يعني ايه قولك لا اله الا الله كل ده ذكر بالايه ها - 00:23:32

ذكر بالمقال باللسان يعني ذكر بالمقال قراءة القرآن وقراءة القرآن. تمام ذكر الله بالمقال وشف ذكر الله اكبر لك ازاي؟ خلاص عرفنا بقى التسبيح والتحميد والتلهيل. وهيدخل معنا برضه من ضمن الايه؟ الحمد لله - 00:24:00

عن ابي موسى الاشعري قال رسول الله صلى الله عليه وسلم شف ذكر الله ركز عليه دي قوي اكبر احنا ما زلنا في الايه ها في المقال في اللسان بنزكر بلسانا بلسانا - [00:24:23](#)

قال رسول الله صلى الله عليه وسلم اذا مات ولد العبد قال الله لملائكته قبضتم ولد عبدي ركز قبضتم مع انهم اصلا ما مدوش ايدهم عليه الا باذن اصلا من الله الله يتوفى الانفس - [00:24:41](#)

بداية الامر ياتي من الله. ملك الموت يروح يتوفاكم ملك الموت الذي وكل بكم توفته رسلنا الملائكة الثانية تساعد معه بس. الاصل ان ربنا هو اللي يتوفى الاول ومع ذلك ببسأل الملائكة قبضتم ولد عبدي؟ فيقولون نعم - [00:25:01](#)

فيقول قبضتم ثمرة فؤاده؟ فيقولون نعم. فيقول ماذا قال عبدي؟ اهو. الذكر بالايه ها بالمرأة او قال ايه رب العزة السؤال اللي ببسأله ده سؤال استعلامي ولا سؤال؟ استعلاء وتعظيم - [00:25:23](#)

سؤال تعظيم للعبد. مش سؤال الاستعلام ما هو ربنا آاه ببسأل لاعلاء شأن شأن العبد ده. سؤال اعلاء. مش استفهام ماذا قال عبدي؟ فيقولون حمدك واستركع ها دول ايه؟ كلهم ايه؟ نساء. مقال. حمدك قال الحمد لله. استرجع قال انا لله وانا اليه - [00:25:44](#)

ذكر الله اكبر بقى اهو بقى قال لهم ايه بقى ابن العبد بيتا في الجنة وسموا بيت الحمد. ايه ده بقى يبقى شف الذكر عشان انت قلت الحمد لله انا لله وانا اليه راجعون. ربك سبحانه وتعالى في الملأ الاعلى - [00:26:14](#)

ابنوا له بيتا ويسموه بيت الايه بعد ايه؟ بعد قال ايه؟ قال ايه؟ يا رب سبحانه انت تعلم كل شيء وانت تعلم اللي قاله اهو ولذكر الله ايه؟ اكبر - [00:26:36](#)

ده ذكر بالايه بالمقال ذكر الله اكبر الذكر بالحال بقى تترك المعاصي يعني ايه؟ تترك المعاصي في معصية تسببها وتمشي. تلغيها تكنسلها تبعد عنه. كل ده ذكر. انت بتكلمتش بس السبت الايه - [00:26:53](#)

ها المعصية. ده اسمه ذكر الايه ها الحال. حالك ايه؟ كنت متلبس طلعت منها مقبل عليها رجعت عنها. هو ده حال اتغيرت كنت بعمل الحاجة مش عاملها رايح اعمالها ارجع - [00:27:18](#)

طب لو رجعت ليه؟ عشان زكرت الله ايه اللي رجعتك؟ زكرت الله طب افرض اللي رجعتك مسلا الشرطة تبقى ما زكرتش الله ما تاخذش المكافأة دي خالص انا الله يرحم والديك الشغلانة دي لقيتهم واقفين قمت راكب - [00:27:37](#)

فين ذكر الله بقى ورجعت قعدت تراقب لحد ما يمشي عبال ما يمشوا على روحك ايه اخلص نفسي بسرعة قبل ما ييجوا ثاني مسلا. لأ يبقى ما زكرتش الله. مع انك رجعت. لا. اللي رجعتك ذكر الله - [00:27:58](#)

فالحال اتغير الاقدام على الحاجة دي خلاك رجعت خد من على سبيل المسال الذكر بالحال عن ابن عمر حديثكم مشهور وكلنا سمعناه ياما حديث السلاسة الزين او اهم المبيت الى الغار - [00:28:15](#)

حديث ابن عمر في الصحيحين او في البخاري اه في الصحيحين عامله ايه بقى يقول ابن عمر قال رسول الله صلى الله عليه وسلم خرج سلاسة نفر يمشون فاصابهم المطر فدخلوا في غار في الجبل فانحطت عليهم صخرة. فقال بعضهم - [00:28:35](#)

لبعض ادعوا الله بافضل عمل عملتموه الى ان قال طبعنا خلاص دعوة كل واحد بقى احنا هناخد بقى الشاهد حديث طويل ادعوا بقى كل واحد يدعو. جه الدور على مين ها - [00:28:56](#)

على اللي كان شرع في الزنا معصية ولا مش معصية؟ بيقول بقى هو اللي بيتكلم بقى هو ما حدش شايفه اصلا كل واحد بيحجب حاجة في ارشيف حياته هو وعمل ذكر الله فيه بالحال - [00:29:11](#)

فلما توسل الى الله بهزا العمل قبل ايه يبقى عمله ايه؟ مقبول اصلا. عمله اصلا مقبول. اه. فحتى حتى قال ايه بقى؟ الرجل ده بقى بيقول ايه بقى؟ بيقول اللهم ان كنت تعلم اني كنت احب امرأة من بنات عمي كاشد ما يحب الرجل النساء - [00:29:29](#)

فقال لي لا تنال ذلك منها حتى تعطيتها مائة دينار فسعيت فيها حتى جمعتها فلما قعدت بين رجلها قالت اتق الله ولا تفض الخاتم لا بحقه شف قالت له ايه ها - [00:29:54](#)

زكرته باسم الله خلاص ايه اللي عمله؟ قال اعوز بالله من ما الحديث ما قالش. ولا اعوز بالله من الشيطان الرجيم الخلاص انا هاتقي

الله ابدا. يقول ايه بقى؟ يقول فقمت - [00:30:13](#)

حال اهو بقى وتركتهما قمت وتر. هو ده الحال الزكر بالحال ما نطقشي الذكر اتق الله اتق الله قال هو هنا بقى زكره الله امتى؟ ساعتها ساعتها الله سبحانه وتعالى رضي له ذلك - [00:30:29](#)

واللي عمله ده صح ولما توسل زكره الله ثاني ما هو قال اللهم ان كنت في بقية الحاجات فيقول ايه؟ ان كنت اللهم ان كنت فعلت ذلك ابتغاء وجهك بيدعوا ربنا عادي اهو بقى. فافرج عنا فرجة - [00:30:53](#)
فرجة. يبقى زكره الله هو اللي ما زكروش يبقى زكر الله ايه؟ اكبر من الساعة اللي الله اعلم كانت امتى بس لما توسل الى الله بالعمل هذا قبل توسله اذا - [00:31:16](#)

اتلو ما اوحى اليك من الكتاب واقم الصلاة. ان الصلاة تنهى عن الاية عن الفحشاء ولذكر الله اللام دي ايه؟ نوع اللام دي ايه ولذكر الله للتوكيد ولذكر الله اكبر - [00:31:33](#)

بكل المعاني اللي احنا ايه فهمناها دي وقلت لكم ان في زكر بالحال وزكر بالموت قال فحافظ الدين عندك الاثنين ليه ما تجمع الاثنين سهل الجمع بينهم يبقى عندك زكر الله بالمقال الازكار وزكر الله والتهليل وسبحان الله وبحمده ولا اله الا الله - [00:31:53](#)
كل ده ماشي ماشي ازارك الصباح والمساء وزكر الله بالحال بالحال ده انت كل ما تمشي تلاقي بلوى تلاقي مصيبة تلاقي معصية يبقى محتاجة منك ايه ها يعني مسلا زكر الله بالحال. غرض البصر تمشي في الشارع - [00:32:12](#)

فكل ما تبص هتشوف بلاوي يبقى كل ما تغض بصرك بصرك يبقى ايه ها زكر لله زكر لله زكر كل مضغوط زكر بالحال ولا بالمقال بالحال غرض بصرك وهكذا. قدامك حاجات كتير جدا واغراءات. ده ما اعرفش ده فيه كذا. ده لو عملت ايه هتجيب ايه - [00:32:30](#)
يجروا على البنوك بيجروا على الربا ان كنت رايح ترجع وان كنت رايح ارجع زكري يبقى زكري بالايه ها بل بعد ما عملت الورق وعرفت الحكم قطعه وارميه. يبقى زكر بالايه؟ عملت الورق كل حاجة جاهزة. يدوبك هروح - [00:32:56](#)

اسحب وامضي فقطع الورق ده زكر بالايه ها؟ بالحال وهكذا اه عملت برضو اه قسمت التركة وخلصت الدور وبعدين خوفت بالله. اتق الله. ما تجيش ناحية حدود الله التركة تبقى تركة. اللي انت عملته ده غلط. والله انا ما كنتش اعرف - [00:33:11](#)
ان شاء الله. طب انت عرفت قطع الورق يبقى ده زكري بالايه ها بالحال. ربنا يذكرك دابا يذكركنا يعمل فيا ايه يموتك على عمل صالح يزود رزقك اللي انت خايف منه يأمنه لك - [00:33:38](#)

ان الذين قالوا ربنا الله ثم ايه ها تنزل عليهم الاية الا تخافوا اه حاجات كتير هو زكر الله اكبر وبس انت المطلوب منك تعمله وما لكش دعوة بالباقي انت تعمل المطلوب بس او انت المأمور به. مأمور تعمله ما لكش دعوة بالباقي - [00:33:58](#)
ولذكر الله ايه؟ اكبر. ولا تجادلوا اهل الكتاب الا بالتتي هي احسن الا الذين ظلموا منهم وقولوا امنا بالذي انزل الينا انزل اليكم والى هنا والهكم واحد ونحن له مسلمون - [00:34:19](#)

والصورة مكية طب اهل الكتاب ما فيش حد منهم فين؟ في مكة اه ممكن تكون الاية ايه اه ولا تجادلوا اهل الكتاب الا بالتتي هي احسن قال ابن كسير قال قتادة وغير واحد هذه الاية منسوخة - [00:34:42](#)

باية السيف شفت القائمة وشف العلماء معقول! ايوة ابن كسير نقل عن قتادة وفتادة دي من ائمة التفسير اصلا وغير واحد مش قتادة بس. هذه الاية منسوخة باية السيف يعني ايه؟ قال لم يبق معهم مجادلة. او مال نعمل ايه؟ قال انما هو الاسلام او الجزية او السيف - [00:35:06](#)

يعني ما فيش ايه ها؟ هنقعد نجادل هيقولوا ونقول ويقولوا مش خلصانين هو ده فعل هو بيتكلم على عزة الاسلام وهو دي فعلا هو ده الصح بس الاية منسوخة لأ هو بقى فيها كلام بقى في حكاية النسخ. بس الاية نفسها بتقول كده. او اللي موجود في الاسلام كده. يا الاسلام يا الجزية يا السيف - [00:35:37](#)

ديال الاسلام الاسلام يبقى لا جزية ولا ايه ما فيش غير ما هو من الاجهزة ولا خلاص صاروا منا وبأخذوا زكاة لو محتاجين زكاة ياخذ زكاة فقيرهم ياخذ زكاة غنيهم يدفع زكاة - [00:36:02](#)

واضح ولا ايه اه فهنا وقال اخرون بل هي بقية يعني ايه؟ يعني مش منسوخة مش منسوخة لأ اللي قال منسوخة بالسيف لأ قالوا
مش منسوخة محكمة بل هي بقية ومحكمة - [00:36:21](#)

ومن اراد منهم اللي هو اهل الكتاب الاستبصار يعني ايه؟ في حاجة مشكلة عليه نجادله ونبين له ونشرح له ونوره ونجادله بالتالي هي
احسن زي ما القرآن قال لنا في سورة النحل وهي مكية ايضا ادعوا الى سبيل ايه؟ ربك بالحكمة والموعظة الحسنة - [00:36:37](#)
وجادلهم بالتالي هي احسن. وقال تعالى لموسى وهارون فقولوا له ايه؟ قولوا لينا لعله يتذكر اه يبقى ولا تجادلوا اهل الكتاب الا بالتالي هي
احسن الا الذين ظلموا منهم. يبقى دول ما باعهمش ايه ها - [00:36:59](#)

زلموا منها الجدل في ايه بقى خلاص زلموا اه زلموا منهم اللي عنده بقى او حاده عن الحق خلاص دي ما فيش معهم جدال اصلا. ما
فيش معهم جدال. قال جابر امرنا من خالف - [00:37:21](#)

كتاب الله ما شاء الله. اميرنا طبعنا بيتكلم لانه عايش وقت اسلام عزيز وكل واحد في المسلمين بيعتزل بالدين بتاعه قوي وسعيد به
ومستعد يدي له حياته كلها قل لها ومال وكلها - [00:37:40](#)

كده يقول ايه؟ امرنا من خالف كتاب الله ان نضربه بالسيف ما تخالفش كتاب الله طب انا هخالف وانا حر ولا اكراه في الدين. انت
بتدفع الجزية وخليك مؤدب اوعى تعمل حاجة غلط والا هنعاسبك - [00:38:02](#)

خليك احنا مش محتاجينك. الدين مش محتاجك اصلا بس تلزم حدك. تنكبش تدفع الجزية عن يد وهم صاغرون. وخليك منكمش.
وخليك راضي بالكفر اللي انت عليه بس ما تصدش ما تقفش في الطريق ما تعملش قلق وخلاص خليك انت حر - [00:38:21](#)
ده اللي موجود اصلا الا الذين ظلموا منهم. قال ابن العربي فيها اربعة اقوال. ولا تجادلوا اهل الكتاب الا بالتالي هي احسن. الا الذين ايه؟
ها؟ ظلموا منهم من هم الذين ظلموا دول؟ قال اهل الحرب يبقى اهل الحرب ما عهمش ايه - [00:38:46](#)

جدار يعني احنا مسلا هنجادل الجماعة اللي جايبين يضربوا في المستضعفين دول في اه في حاجة في الدين وبتاع كده ليه البلد بلدنا
ولا مش بلدنا؟ طب ناخذ حصة طب نسيب مش عارف ايه. لأ ما فيش جدل في الحاجات دي - [00:39:05](#)
انتم ما لكوش حاجة اصلا معي ولا مش معي؟ طب نقسم البلد نصين؟ طب مش عارف ايه؟ لأ ما فيش ما فيش جدل لأ قال اهل
الحرب ما عهمش جدال. مانعوا الجزية. مع انه الجزية ما همش جدال. الله! طب ما كان الصديق يجادل الذين منعوا الزكاة. ما
جادلهمش - [00:39:22](#)

خد الجيش وراح يقاتلهم. هتدوني الزكاة ولا اقاتلكم خلاص يدفع الزكاة خلاص ارفع ايدك ما فيش جدال هم عندهم شبهات هيقعد
ابو بكر يجادل في الشبهات. من ضمن الشبهات اللي عندهم يقولوا له احنا كنا بندي الزكاة للي صلاته - [00:39:41](#)
سكن لنا. انت بقى صلاتك ايه انت ابو بكر بتاع واحد زينا. الرسول كان اذا صلى علينا يعني دعا ايه ها؟ لنا صلاته سكنه لنا. انت
صلاتك والله اعلم سكن ولا مشان الدين - [00:40:00](#)

هيقعد بقى يجادل لأ هتجيبوا الزكاة ولا قاتلكم دي كلمة واحدة لان هم في الحالة دي مانعين للزكاة. بيهدوا ركن بيوقعوا ركن من
اركان الدين. يبقى اهل الحرب لا جدال معهم - [00:40:17](#)

مانع الزكاة لا جدال معهم من بقي على المعاندة بعد زهور الحجة ما تجادلوش خلاص. واحد هو مصمم مصمم. انت مسلا بينت له
جادلت له ان ما ينفعش ثلاثة في - [00:40:32](#)

واحد هو عاوز ثلاثة يعتبرهم واحد. اب وابن وروح قدس يبقى حاجة واحدة وتقول يقعد يجادل البيضة البيضة بيضة ولا مش بيضة
بيضة يقول لك ما ثلاث حاجات سفر وبياض وقشرة وبتاع الابيض اللي جوة ده ايه ده! ايه الكلام ده - [00:40:45](#)
المعاندة دي بقى بطل جدال ما تتكلمش معه. الجدل. الرابع زلموا في جدالهم يخرج بيخرج كده بيحجب كلام لا عقلي ولا اي حاجة
يبقى ما تجادلوش يعني مش تفضل تجاهه تقول لحد ما اقنعه لأ ما فيش الكلام ده. ما فيش الكلام ده. جادل بالتالي هي احسن -

[00:41:07](#)

اذا كان اهل حرب ما تجادلش ما فيش جدال وقت للجدال. اذا كان مانع للزكاة ويبقى برضو المانع للايه؟ للجزية اللي بقي على

المعاندة بعد الحج ما ظهرت ما تجادلوش ما تجادلوش. اه. واضح - [00:41:26](#)

بس الرسول عليه الصلاة والسلام كان سبت ان في مجادلة بالتي هي احسن. يردوا ما بيردوش ما يقدروش يقولوا اكثر من كده. خد على سبيل المسال في القرآن وردت اشياء - [00:41:42](#)

في القرآن. يعني مسلا يقول رب العزة في القرآن وقال لليهود كده. الرسول قال لليهود. ان كانت لكم الدار الآخرة عند الله خالصة من دون الناس. بدل مش جدال هو جدال. فتمنوا الموت ان كنتم ايه؟ صادقين - [00:41:52](#)

تمنوا الموت ما تمنوش خلاص احنا قلنا لهم كده. ولن يتمنوه ابدًا به. فما اجابوا طبعًا ما فيش جواب. ما فيش جواب. قال لهم ضرب لهم مسل ثاني وجادلهم ما ردوش ما ردوش - [00:42:11](#)

زي ما بقول لك البيضة والثلاث اشياء. هنا بيقول للقرآن بيقول لهم ان مثل عيسى عند الله ها كمثل ادم خلقه من تراب ثم قال له كن في هم يقول لك ازاي واحد يجي بدون اب لازم يبقى له اب ابوه مين؟ هيبقى عندهم هم بقى ابوه - [00:42:24](#)

ابوه الله طب هيجادلهم بالتي هي احسن قال لهم ايه؟ ان مسل عيسى عند الله كمسل ايه الله! اذا كان عيسى جه من ام بدون اب طب اشمعنى ادم جه بلا ام ولا ايه - [00:42:41](#)

بقى يا ناس افهموا اه برضو نفس الكلام يا اهل الكتاب تعالوا الى كلمة ده كل ده القرآن بيحدثهم والرسول بيبلغهم بقى يا اهل الكتاب تعالوا الى ايه؟ كلمة سواء - [00:42:55](#)

اه نفس الكلام لما قالوا احنا ولاد ربنا احنا الصفوة فقال لهم ايه؟ امال ربنا بيعزبكم ليه القرآن يقول لهم كده وقالت اليهود والنصارى نحن ايه فالقرآن لهم قل فلم يعذبكم بذنوبكم - [00:43:09](#)

بس انتم بتتعزبوا وبتعملوا زنوب وبتحاسبوا عليها. انتم ناسيين كذا وناسيين كذا انتم ناسيين اصحاب السبت لما مسخوا قردة وخنازير انتم ناسيين لما ربنا رفع فوقكم الجبل وبقيتوا ساجدين على الخد اليمين وبصوا للجنب الا يقع عليكم - [00:43:25](#)

مش كده ولا ايه ناسيين الحاجات دي بيعزبكم لما انتم ولاده بيعزبكم ليه؟ ده برضه اسمه ايه ها؟ جدل بالتي ايه احسن يبقى ولا تجادلوا اهل الكتاب الا بالتي هي احسن. الا الاية - [00:43:43](#)

الذين ظلموا من اهل الحرب مانعي الزكاة المستمرين على الجدل بعد اقامة الاية؟ الحجة وقولوا امنا قولوا يا مسلمون يا مسلمون. امنا بالذي انزل الينا وانزل اليكم الخطاب لمين اليكم لمين - [00:43:58](#)

ها لاهل الكتاب لاهل الكتاب هو انزل الى ما هو اللي انزل انزل علينا وعلى اهل الكتاب بس ما فيش حد ثاني وقولوا امنا بالذي انزل الينا اللي احنا اللي هم نحن المسلمين يعني - [00:44:22](#)

وانزل اليكم يا اهل الكتاب مش كده؟ والهنا والهكم واحد ونحن له مسلمون الاية فيها طبعًا لفتات طيبة اوي. اول حاجة ان الاية بتسبب ايمان المؤمنين بالقرآن قولوا امنا بالذي انزل - [00:44:37](#)

يبقى الحمد لله يبقى فيه ايه ها؟ ايمانهم قولوا امنا. قولوا امنا. يبقى فيه ايمان ايه بعكس يعني مسلا ايه ها قالت الاعراب قل لم انما هنا قولوا قولوا امنا. الله اكبر - [00:45:03](#)

قولوا اللي جواكم طب واللي جواكم ايه؟ امنا شايف دي ولا ايه اه جميل احسنت احسنت فان امنوا بمثل ما امنتم. ايوة. يبقى دي شهادة من الله بان احنا الحمد لله ايه ها - [00:45:20](#)

امنا قولوا امنا قولوا قولوا ما تخافوش. قولوا امنا قولوا امين. قولوا امنا. يبقى بتسبب ايمان المؤمنين بالقرآن. واياه كمان؟ وتسبب ايمان المؤمنين بكل الكتب السابقة هذا من فضل الله بقى - [00:45:36](#)

هذا من فضل ان احنا امنا بكله بالذي انزل الينا ها وانزل ايه؟ اليكم. يبقى احنا مؤمنين بالكتب السابقة مش عندهم دي ابدًا ابدًا. ما هو لو امن باللي احنا امنا به خلاص بقى مسلم - [00:45:55](#)

بقولوا امنا الاية بتسبب ايمان المؤمنين بالقرآن وتسبب ايمان المؤمنين بايه ها بكل الكتب السابقة بس خلي بالك بتقول لنا امنوا بالذي انزل الينا اليكم يعني وانزل اليكم خلي بالك انزل - [00:46:10](#)

كانت الآية لو لو قالها انا هحرفها يعني. شف هتمشي كده ولا ما تمشيش قولوا امنا بالذي انزل الينا والذي معكم تمشي اهو كده الذي معكم معكم طب هنؤمن به؟ لا نقف - [00:46:37](#)

النص بيقول واجزل مش اللي معكم اللي معكم معكم فيه من اللي فيه من اللي نزل فيه بس الباقي ما نعرفوش. الباقي ما نعرفوش. يبقى بالذي انزل الينا ها يبقى اللي انزل. طب راح فين؟ ما نعرفش. الله اعلم. بس اللي انزل - [00:47:01](#)

انت فاهم المعنى كويس؟ ايوة. اه. يعني لما يمस्क لك التوراة كده ولا يمस्क لك الانجيل ويقول لك الكتاب المقدس كل عام وهو مقدس عندك انت انما المقدس عندي اللي نزل من عند ربي اللي لعبت فيه انت لغيت القدسية بتاعته - [00:47:24](#)

لان مقدس يعني مطهر وانت ما سبتوش مطهر انت ايه ها؟ نجسته انت نجسته انت لعبت فيه يبقى تسبت ايمان المؤمنين بالقرآن وايمان المؤمنين بالكتب التي انزلها الله سبحانه وتعالى - [00:47:42](#)

ولم تقل الآية بالذي انزل الينا وبالذي ايه؟ معكم انما انزل الينا وانزل ايه؟ اليكم لان الذي معهم طراً عليه التحريف بدليل قولوا امنا بالله انزل الينا وانزل اليكم فيكفي المؤمن - [00:48:02](#)

ان يؤمن بالذي انزل ولا يلزمه البس عما انزل اه قولوا امنا بالذي انزل الينا وانزل اليكم فيكفي المؤمن من اهل الاسلام انه ايه يؤمن بالذي انزل اما الذي معهم ان تغيير مكلف بالايمان به ابدًا. ليه؟ لانه طراً عليه. اما تحريف - [00:48:28](#)

واما آآ يعني تخبية واشفاء تحريف يشمل النقص والزيادة حاجات من عندهم. فويل ومين مين اللي قال لي كده؟ قرآن اللي انا مؤمن به اصغر وسنة نبيه. قالوا لي الاثنين كده - [00:49:07](#)

قالوا لي اللي انزل حصل فيه شغل طيب انا او من بايه؟ او من باللي انسى. طب هو فين؟ ما في موضوع عندي. عندي في القرآن بيقول لي ان فيه انزل كذا وكذا - [00:49:32](#)

وكذا وكذا. طب فين تفاصيلها قال لي في توراة وقال لي في انجيل وقال لي فيه زبور وفيه صحف ابراهيم وموسى. طب انا خلاص. هم فين يكفيني كمسلم الايمان بهزا - [00:49:47](#)

ولا يلزماني ابدًا البس عنهم ولا تحقيقهم ولا يعني ايه ولا تحقيقهم؟ يعني ما اقدش ادور على المزور لا لا لا لا يلزماني هذا ولا يلزماني لا يلزماني البس ولا التحقيق ولا اي شيء. هذا مش ملزم لي. انما ليه؟ اصل الآية بتقول لي كده - [00:50:04](#)

قولوا قولوا امنا بالذي انزل الينا وانزل اليكم انكم تعرفوه انتم ما تعرفوش مخبيينه زاهرينه اه ليه؟ لان الذي تعرض لاشياء. فويل للذين يكتبون الكتاب بايه بايديهم. وتعرض للزيادة والنقصان. يا اهل الكتاب قد جاءكم رسولنا يبين لكم - [00:50:27](#)

كسيرا مما كنتم ها؟ تخفون من الكتاب ويعفو عن كثير. تخفون يعني ايه؟ الفصل ده مش عاجبني. شيله خالص الآية دي مش عاجباني امسحها قصة الغيه اه داريها بايدك. اي حاجة. المهم - [00:50:55](#)

فانا مش ملزم بقى انا مش ملزم بالتحقيق اصلاً يعني. القرآن قال لي كده قال لي اكتفي بهزا. قولوا امنا بالذي انزل الينا وانزل اليكم جملة جملة جملة. اما التفصيل - [00:51:17](#)

لذلك غضب النبي صلى الله عليه وسلم لما رأى عمر يطالع اشياء ليه لان يكفيك يا عمر ويكفي الدنيا كلها ويكفي المسلمين كلهم يكفي المسلمين كلهم ان يؤمنوا بس بالقلب - [00:51:33](#)

وما يفتشوش وما يقروش لذلک ما بيعجبنيش كسير من المفسرين اللي بيقول لك وموجود في التوراة في السفر الفلاني وموجود في موجود ايه يا عم انت رايح هناك ليه اصلاً - [00:51:58](#)

احنا عندنا قرآن فيه كل حاجة وهو قال كل حاجة عشان عاوز تسبت يعني ان الكلام ده كان موجود سابقاً ايه ما ما فيش اسباب هو القرآن سبق اثبت ما تروحشي ما تروحشي. لا تقول لي موجود في السفر الفلاني ولا في العهد القديم ولا في العهد الجديد - [00:52:12](#)

كل ده لا يعيننا في شيء. اللي عندنا كفاية. الرسول عليه الصلاة والسلام شاف عمر عن جابر يقول ان عمر بن الخطاب رضي الله عنهما اتى رسول الله صلى الله عليه وسلم بنسخة - [00:52:26](#)

من الدورة ليش هم طبعا التوراة بتتنسخ يعني ايه هي كلها نازلة مكتوبة. فان كنت عاوز تعمل لك نسخة تروح تنقل وتعمل كده يعني. وبيتوارسوها وكده يعني. المهم اتى بنسخة من التوراة فقال يا رسول الله هذه نسخة من التوراة - [00:52:42](#)

هذه نسخة من التوراة فسكت مين اللي سكت الرسول عليه الصلاة والسلام فجعل يقرأ مين اللي بيقراً عمر ووجه رسول الله صلى الله عليه وسلم يتغيب اعد مين؟ ابو بكر - [00:53:04](#)

قال له ثكلتك الثواكل يعني مش امك بس ضمك وخالتك وعمتك وكل اللي يخصوصك وولادك ثكلتك الثواكل ما ترى بوجه رسول الله انت مش شايف بص كده فنظر عمر الى وجه رسول الله - [00:53:27](#)

طبعا شافه لمحاه على طول عرف ما هو ما يقلش عن ابو بكر كتير يعني. يقل حاجة بسيطة قوي فلما نظر الى وجه رسول الله صلى الله عليه وسلم قال اعوذ بالله - [00:53:52](#)

من غضب الله وغضب رسول الله رضينا بالله ربا وبالإسلام ديناً وبمحمد نبياً صلى الله عليه وسلم خلاص تفهم من كده ايه اللي هو ايه توقف عن الايه ومش هبص فيها تاني. خلاص - [00:54:06](#)

اعوذ بالله اعوز اعوز بالله من غضب الله وغضب رسول الله. يبقى عارف كده لو هيبص فيها تاني وبقرا فيها تاني يبقى مين ها الله يغضب ورسوله يغضب وبعبدين جدد جدد هو الكلام ده عنده مش لسة جديد. رضينا بالله ربا ها وبالإسلام ديناً وبمحمد نبياً. الكلام ده بيجدده بس انما هو اصلاً - [00:54:30](#)

موجود عنده تعقيب بقى جه الرسول عليه الصلاة والسلام ما سابوش ما سابوش طبعا بل والذي نفسي محمد بيده صلوات الله وسلامه عليه لو بدا لكم موسى بدا يعني ايه ها - [00:54:55](#)

قام من قبره وشفوته قدام عنيككم كده. وعرفتوا ده موسى وأأكدتوا ان هو موسى وقال لكم انا موسى لو بدا لكم موسى فاتبعتموه وتركتموني لضللتكم عن سواء السبيل ولو كان حياً - [00:55:15](#)

وادرك نبوتي لاتبعني. اللي هو مين سيدنا موسى خلي بالك هنا في حجة يعني ربما يحصل فيها اشكال هبينها لك اللي هي ايه؟ فاتبعتموه وتركتموني للتم مش على ان موسى هيمشي بهم في الضلال لأ - [00:55:37](#)

لا موسى هيدلهم على الهدى لان ربنا قال لنا في سورة الانعام على موسى وغيره وغيره وغيره وقال للرسول اولئك الذين هدى الله فبهداهم اقتدي مش هيدله على ضلال لأ - [00:55:59](#)

امال ليه كده؟ لاني هتتبعوا موسى يبقى هتلفوا اللي معي واللي معي ناسخ لي قبلي ومهيمن على اللي ايه على اللي قبلي ومش هينفع اللي كان مع موسى ينفع معكم - [00:56:20](#)

في حاجات كتير جدا مع موسى مش هتمشي معكم في اصول اه موجودة بس في تفرعات مش هتمشي معكم انتم امة وهم ايه؟ وهم ام. التوحيد هيمشي معكم. اصول الاخلاق معكم. اصول العبادات معكم. كل ده موجود - [00:56:39](#)

وموسى على هدى. يا اخي ده موسى هو اللي يعني نصح الرسول وارشد الرسول يشفع عند ربه في تخفيف الايه الصلاة يعني موسى مش يدعو الى الضلال لأ بس عاوز اقول لهم - [00:57:01](#)

انا موجود وموسى موجود هتسيبوني وتمشوا ورا موسى هتضله ليه كده؟ لاني لو لو المسألة كده انا وجودي اصلاً ايه السر في وجودي انا ربي بعثني ليه اصلاً؟ مش عشان خلل عند موسى لأ انا لي نزام وموسى له ايه - [00:57:20](#)

نزام وانا جاي بمنهج وهو جاي بايه بس احنا الاثنين زي ما قال في حديث تاني. نحن معشر الانبياء ابناء ايه؟ علاك. ديننا واحد كلنا من مشاه واحدة وبنصب في حاجة واحدة. بس انا لي وضعي وهو له ايه؟ وهو مؤكدا في الآخر الحديث. قال لو كان حياً - [00:57:43](#)

هيعمل ايه هي اتبعني طب هيتبع لانه هو كان غلطان وتنبه واتبع الرسول لا اخاف هو هيتبعني هو كان صح وانا صح بس الصح بتاعه في زمن ومع ناس والصح بتاعي في زمن ولاخر الزمن - [00:58:09](#)

ما هو بيقول لو كان حياً وادرك نبوتي لاتبعني زي ما عيسى كده ما هو عيسى نبي وحي وهينزل هيعمل ايه هيجدد اللي في الانجيل

ولا هيتبع الرسول يتبع الرسول. يعني هيلغي الانجيل مش كله - [00:58:37](#)

مش كله لأ في حاجات مسلا تفاصيل في العبادات مش موجودة موجودة في الانجيل مش موجودة لأ ما ينفزهاش امال هينفز ايه هينفز الموجود في القرآن عنده في الانجيل مسلا مسلا يعني يصلوا وقتين مسلا كان عندهم صلاة وقتين - [00:58:57](#)

نزام الزكاة له نزام نزام الصيام له نزام ما ينفزوش مع انه مؤمن به ولا كافر به؟ يعني هينطبق عليه امنا بالذي انزل الينا وانزل ايه اليكم يبقى عيسى امن بالذي انزل ايه وانزل ايه - [00:59:16](#)

الينا واضح؟ اه فعشان كده الرسول غضب لما لقي عمر جايب نسخة من الايه من التوراة وبعدين بدأ يفتحها ويقراها هو آآ طبعا ابو بكر لحق الموقف وحصلوا ايه كده يعني - [00:59:36](#)

نفس الكلام ما زلنا برضه في ايه؟ قولوا امنا احنا نؤمن بالكتب دي جملة طب الكتاب بتاعهم انجيل او توراة محرف بنسبة خمسين في المية مسلا؟ ما ليش دعوة ما ليش دعوة ولا خمسين ولا ستين ولا سبعين. ما فيهموش ولا اية من اللي نزلت من عند ربنا -

[00:59:56](#)

برضو ما ليش دعوة بس انا طب اللي موجود ده هو اصلا اللي نزل برضه مش شغلتي ما اقعدش احقق فيه هو فيه كم اية من اللي نزلوا من عند الله والباقي مضروب؟ برضو مش شغلتي - [01:00:19](#)

مش مجالي ولن اسأل على هذا اني اؤمن باللي نزل. هي بتقول كده. امنا بالذي انزل الينا ها؟ وقلنا. راح فين؟ برضو مش شغلتي.

ابحس ما ليش برضو في البحس خالص. ليه؟ لان الكتاب اللي عندي ملزم ومهيمن - [01:00:33](#)

ملزم ومهم ان خلاص هو ده اللي انا هتحاسب عنه انا مش هتحاسب عن التوراة اتحرف فيها ايه ولا مضاف فيها ايه ولا اتحرف من ايه ولا الانجيل ولا الزبور ولا اي كتاب مم نازل من عند الله سبحانه وتعالى اؤمن جملة - [01:00:53](#)

واضح يا اخوانا؟ اه نعم نفس الكلام ما زال الرسول بيعلم ويبشدد على الجزئية دي. ليه؟ تخيل بقى لما يكون الكلام ده حصل وهو لسه حي يرزق امال بعد ما توفاه الله بقى؟ ده انت هتشوف العجب العجاب. اذا كان هو لسه حي يرزق وعمال يشدد وينبه. ادي اول واحد كان عمر اهو - [01:01:07](#)

عن ابي هريرة قال كان اهل الكتاب ركز كان اهل الكتاب اللي موجودين فين؟ الموجودين في المدينة اقرب الناس لهم ومعهم ايه ها؟ التوراة لان اللي في المدينة يهود يقرأون التوراة بالعبرانية - [01:01:32](#)

باللغة بتاعتهم يعني العبرانية. ويفسرونها بالعربية يا اهل الاسلام واضح كده يبقى التوراة هنعترها هنعترها هي مزبوبة نعتبرها مزبوبة الله اعلم برضه بس كانوا بيقرأوا النصوص بتاعتها بالعبرانية وبعدين ايه ها - [01:01:55](#)

اشرحوها ويفسروها بالايه بالعربية. فقال رسول الله كده بقى هنا في كلام بقى اهو في تفسير بقى فقال رسول الله صلى الله عليه وسلم لا تصدقوا اهل الكتاب ولا تكذبوا - [01:02:15](#)

ليه؟ اصل ممكن نقول كلام حق هو ممكن يقول كلام باطل فانتهد صدقه ممكن تصدقه باطل طب هتجزبه يبقى هتكزبه ممكن تكزبه بحق يبقى لا تصدقه ولا ايه؟ اومال التفاسير بتاعتهم ايه؟ اسمع وخلاص. ويا ريت ما تسمعش ويا ريت ما تقعدش -

[01:02:34](#)

تبقى في مأمن يعني لا تصدقوا اهل الكتاب ولا تكذبوهم طب امال ايه؟ انه في الموضوع وقولوا لهم كده. قولوا امنا بالذي انزل الينا لأ سورة البقرة قولوا امنا بالذي انزل - [01:02:57](#)

الينا امنا بالله وما انزل الينا وما انزل الى ابراهيم واسماعيل واسحاق ويعقوب والاسباط. اللي معنا في في العنكبوت انزل اليها انه انزل اليكم هناك في البقرة قولوا امنا بالله - [01:03:16](#)

وما انزل لخصوا لهم ها الاسباط اللي عصبات دي من شرايح من بني اسرائيل من انبياء بني اسرائيل لاني بنو اسرائيل هم اللي يطلق عليهم الايه الاسباط بيطلق عليه لا لا اخوة يوسف ليسوا لا يقال عنهم اسباط اطلاقا. اخوة يوسف ليسوا اسباطا. واخوة يوسف ليسوا

انبياء اصلا - [01:03:32](#)

هو سيدنا يعقوب وسيدنا يوسف بس. اما اخوة يوسف ازاى انبياء انبياء وعملوا اللي عملوه؟ لا لا لا لا تليق بهم النبوة اصلا فالمهم اني قولوا لهم كده وما تقعدوش تسمعوا تفسيراتهم - [01:04:01](#)

هم يقرؤا بالعربية ويقعد يشرح لك النص يقرؤا بالعبرانية ويشرح النص بالعربية. فانت طبعا هتصدق وهتكزبه ممكن النص اللي انت كزبته فيه يكون حق فانت هتتعرض للائم او اللي صدقتوا فيه يكون باطل هيفضل. فلا دي ولا دي قل له احنا امنا بالله وما انزل ايه؟
الينا - [01:04:18](#)

عن ابن عباس قال الحديس في البخاري اللي فات ده طبعا في البخاري وبرضو اهدر في البخاري ابن عباس يقول كيف تسألون اهل الكتاب كيف تسألون اهل الكتاب عن شيء - [01:04:45](#)

وكتابكم الذي انزل على رسول الله صلى الله عليه وسلم احديس يعني نازل ايه ها؟ بعده بكتير وحاجة ده ده الايات بتنزل والصور بتنزل حسب اللي انتم بتمروا به اصلا - [01:04:57](#)

احديس تقرؤونه محضا لم لم يشب لسه غض طري. وقد حدثكم الكتاب بقى. كتاب الحديس دهو حدثكم ان اهل الكتاب بدلوا كتاب الله تسألوهم اذا ازا كان الكتاب الحديس اللي نزل بيقل لكم ان اهل الكتاب بدلوا ايه - [01:05:15](#)

كتاب الله سبحانه وتعالى بدلوا كتاب الله وغيروه وكتبوا بايديهم الكتاب وقالوا هو من عند الله ليشتروا به ثمننا قليل نكتفي بهذا القدر ونسأل الله ان ينفعنا بما علمنا يعلمنا ما ينفعنا - [01:05:36](#)

ورد السؤال لحزة واحدة يقول انه عنده بنتين وعنده بيت وحته ارض عاوز يكتب البيت للبنتين وراح سأل في اللجنة فقالوا له ما فيش مانع انت حر طول ما انت عايش اكتب اللي تكتبوه واعمل اللي تعمله - [01:05:58](#)

طبعا هذا الكلام ليس عليه دليل من كتاب ولا من سنة المسلم مش حر في اي حاجة لا في ماله ولا في عياله ولا في اي شيء مسلم مش حر مسلم عبد - [01:06:32](#)

مسلم له كتالوج يمشي عليه رب العزة لا سنه منهج وراسل له خريطة خريطة يمشي عليها لو حر هيبقى زي الكفرة. ما هو الكفرة احرار كفر احرار يأكلون ها ويتمتعون - [01:06:48](#)

كما ايه كما تأكل الانعام والنار مثوى. هل انت تقدر تاكل وتتمتع بمزاجك ولا اكلك محدود وكل حاجة معروفة ومتعتك محددة مسلم مش حر ابدأ ابدأ. سعد ابن ابي وقاص - [01:07:06](#)

مرض كان في في لحزة مرضي كان في مكة فالرسول صلى الله عليه وسلم زاره في مكة فسعد هاجر طبعا من مكة الى المدينة فخايف يموت في مكة نفسه يموت في المدينة - [01:07:29](#)

مش عاوز يموت في البلد اللي هدر منها اللي هاجر منهم فقال يا رسول الله ادع الله الا يردني او يعني بعد ما رفعني بالهجرة يردني ثاني فقال له الرسول صلى الله عليه وسلم - [01:07:52](#)

ان الله سيرفعك وينفع بك ناسا يعني مش هترد يا سعد انت هتطلع فوق وسينفع بك لازم المهم في الزيارة دي قال للرسول عليه الصلاة والسلام اريد ان اوصي ولي ابنة واحدة - [01:08:15](#)

عاوز اوصي وليه ابنة اوصي بالنصر قال لا قال السلس قال الثلث والسلس كثير او كبير ايه الشاهد من الحديس سعد ابن ابي وقاص مستجاب الدعوة مستجاب الدعوة اصلا اطب مطعمك ايه؟ واستجاب الدعوة. سعد ابن ابو وقاص صحابي جليل هاجر وسعد بن ابي وقاص سعد وما ادراك ما مبشر بجنة - [01:08:36](#)

اصلا بشر بالجنة عشان مسألة انت حر وطول ما انت عايش انت حر لا انت مش حر انت مش حر ابدأ لا انت عايش ولا ميت انت مش حر انت مقيد بشرع - [01:09:08](#)

مقيد بشرع لما بيقل له يا رسول الله انا عندي بنت واحدة طب انت عاوز ايه يعني؟ عاوز اوصي توصي لمين؟ مش لحد اوصل وجوه البر والخير لي انا وعندي بنت واحدة يعني هي في ذمة رجل او - [01:09:20](#)

عند رجل مش حامل همها يعني مش حامل همها وبنته هتعيش ما هي عايشة مع مع جوزها وخلاص فعاوز اعمل حاجة لمين لاخرتي

انا اوصي بنصف المال قال له لأ - [01:09:41](#)

نص المال كده طلعه لا وجه البر قال له لا طب التلت؟ قال له التلت بس التلت برضه كتير والست انت برضو ايه الشاهد من الحديث ايه؟ الشاهد من الحديث - [01:09:59](#)

ان رسول الله صلى الله عليه وسلم لم يصرح لسعد انه يلعب في حق الورثة ما هو سمح له بالتلت وقال له التلت كتير يبقى التلتين بتوع مين مش كده - [01:10:13](#)

الورثة كلهم الورثة كلهم واضح كده فمسألة انك حر دي لأ انت مش حر مش حاول تكتب لبنتك لابنك تكتب تحرم فلان تحرمه قال لا لا انت مش حر ابدا - [01:10:34](#)

ابدا دي حدود وقلت لكم مرارا وتكرارا ان المواريس باللات هي اللي فصلت في القرآن تفصيلا لم يفصل مثلها. اي عبادة لم مفصل للصلاة زكرت ركعتها ولا الحج ولا الحج ذكر تفاصيله - [01:10:48](#)

ولا الزكاة زكرت انصبتها ولا الحاجات بتاعتها دي خالص لها مصيبة وفيها ما فيش كل اركان الاسلام لم تفصل الا المواريس فصل تلت السدس تلتين ثم ربع النص. ايه ده - [01:11:06](#)

تفاصيل تفاصيل ليه؟ ربنا اللي اراد كده واخر اخر الايات دي كلها يقول رب تلك حدود الله تلك حدود الله ما حدش يمد ايده عليهم قال لهم لا مانع. اه اه. التلت الآية بتقول من بعد وصية - [01:11:28](#)

من بعد وصية اه تلت يخرجوا لا لا نصف الثلثين نصف السلس فلما سمح بالتلت ابوه عاوز يقلل عن تلت شوية ده عاوز يخلي الربع الوصية الربع يبقى يطلعوا الربع الاول من بعد وصية. من بعد وصية وبعد كده يبقى - [01:11:54](#)

نسى بقى انسى بقى التلتين وينسى اي انسى الباقي هو خلاص طلعت طلعت الوصية بالربع يبقى الباقي هو ده اسمه التركة بقى الباقي ده التركة اتعاملوا معها على ان هو دي التركة - [01:12:14](#)

عود التركة بقى لتجري عليه احكام الايه؟ احكام التارك. الشاهد ما حدش يا اخواننا يلعب في الحاجات دي عندك بنت عندك بنتين آآ وفي برضو من التحايل يقول لك ايه اصل دي هبة - [01:12:28](#)

دي مش ميراس يعني ايه هبة مش ميراس انت تعلم وربك يعلم انك تريد حرمانا لناس معينة انا بقول هكتب البيت للتنتين طب ليه؟ عشان عمامهم ما يجوش ناحية البيت - [01:12:43](#)

ياخده في الارض الزراعية بس ما يجوش ناحية البيت. انت ما لك انت وهم لهم هنا وهنا ولو قطعت الله قد يزرع في قلوبهم القناعة يقول لك ولاد اخونا مش هيروح لحيته - [01:13:01](#)

تسيب لهم البيت احنا ناخذ في الارض وبنقصي الارض انما لما تعمل كده يغضبوا عليك ويطمعوا في الحاجة اكرر وتبقى نصية الله قبل كل شيء فمسألة ان انا اكتب دي لأ - [01:13:19](#)

تمشي ابدا ابدا لا بنات ولا صبية. تترك الامور كما هي. والله عز وجل يتولاك وليخش الذين لو تركوا من خلفهم ذريتهم ضعافا خافوا عليهم فليتقوا الله وليقولوا بس ده المطلوب منك كده - [01:13:37](#)

وصلى اللهم وسلم وبارك على سيدنا - [01:13:58](#)